

## KERATAN AKHBAR

**JUDUL : Bernama.com**

**TARIKH : 25 Mei 2022 (Rabu)**

### Berita ringkas Bernama: 25 Mei

#### PUSTAKAWAN DISERU PASTIKAN PROGRAM GALAKAN MEMBACA CAPAI MATLAMAT

KUALA LUMPUR, 25 Mei (Bernama) – Para pustakawan diseru berganding bahu untuk memastikan program galakan membaca mencapai matlamat dalam meningkatkan kadar literasi rakyat Malaysia.

Menteri Pelancongan, Seni dan Budaya (MOTAC) Datuk Seri Nancy Shukri berkata program galakan membaca itu disasarkan kepada semua lapisan masyarakat di seluruh negara mengikut tahap usia dan kelompok institusi termasuk golongan khas.

"Pelaksanaannya adalah sejajar dengan gagasan Dekad Membaca Kebangsaan yang bermatlamat menjadikan Malaysia sebagai negara membaca menjelang tahun 2030," katanya ketika berucap pada majlis perasmian Persidangan Tahunan Perpustakaan Malaysia 2022 di sini hari ini.

Beliau berkata persidangan dengan tema 'Tiada Sesiapa Yang Tertinggal: Perpustakaan Sebagai Agen Perubahan' itu menepati peranan perpustakaan dalam semua komuniti setempat di seluruh negara sebagai pusat setempat bagi proses pengajaran, pembelajaran, perkongsian pengalaman dan ilmu.

– BERNAMA